

*Gaelscoil Bhrian Bórvimhe,
Coill na n-Ull,
Sord,
Co. Átha Cliath
K67 T3H2*



Scoil Idírcheidmheach

Fón: 8902799

www.gsbb.ie

oifig@gsbb.ie

U.R. 20095C

CÓD IOMPAIR 2022

Réamhrá: Forbraíodh an cód seo le hionadaithe ó phobal na scoile. Tá sé bunaithe ar na dea-chleachtas atá bunaithe sa scoil cheana féin agus ar na treoirlínte ón mBord Leasa Náisiúnta Oideachais maidir le Cód Iompair a Fhorbairt.

Is mian le pobal na scoile go mbeadh atmaisféar taitneamhach, sabháilte ar scoil inar féidir le daltaí a gcumas nádúrtha a thabhairt chun lántairbhe. Cabhraíonn *Cód Iompair* leis an atmaisféar sin a chruthú agus a chaomhnú. Séard atá sa doiciméad seo ná treoirlínte do chaighdeáin iompair agus na nósanna imeachta leis na caighdeáin seo a bhaint amach. Leagtar béim i gcónaí ar dhea-iompair ar scoil agus éilítear caighdeán ard ó na daltaí. Ní féidir leis an scoil ard chaighdeáin iompair a bhaint amach gan comhoibriú agus tacaíocht na ndaltaí, tuismitheoirí, múinteoirí, baill foirne eile, príomhoide, Bord Bainistíochta agus pátrún na scoile.

Ráiteas Misin na Scoile: 'Is mian leis an scoil *oideachas lán-Ghaeilge den scoth* a sholáthar do dhaltaí na scoile, ina mbíonn an *páiste lárnach* agus á fhorbairt mar dhuine iomlán. Tugtar aitheantas faoi leith don *pháiste aonar* agus tabharfar *cothrom na Féinne* do gach páiste i gcónaí. Cothaítear féinmheas maraon le meas ar dhaoine is ar chultúr eile i gcónaí.'

Cabhraíonn comhoibriú bunaithe ar chomhmheas idir baill phobail uile na scoile le hatmaisféar sona a chruthú ar scoil. Braitheann an-chuid ar dhea-chaidrimh agus ar chaidreamh séimh idir gach éinne go bhfuil baint acu leis an dtimpeallacht foghlama.

Tá gach múinteoir freagrach as ard-chaighdeáin iompair a éileamh ina seomra ranga féin, ar mhaoirseacht chlóis, le linn imeachtaí scoile agus ó dhaltaí i gcoitinne i dtimpeallacht na scoile. Tá ról speisialta ag cúntóirí riachtanaisí speisialta maidir le h-iompar na ndaltaí faoina gcúram ag treorú agus ag diriú de réir mar is cuí.

Anuas ar na rialacha agus nósanna scoile atá leagtha amach sa gcód seo, tugann páistí na scoile ról lárnach, comhoibriúch i gcruithú rialacha lena múinteoir. Coinníotar na rialacha seo simplí, feiliúnach don aois ghrúpa agus dearfach.

Príomhoide: Pádraig Ó Conchubhair

Príomhoide Tánaisteach: Sharon Ní Fhinneadhá

Na Caighdeáin Iompair:

Tá rialacha órga a chuireann an scoil chun cinn chun cabhrú linn ard chaighdeáin iompair a bhaint amach:

- Tabhair aire do rudaí
- Tabhair aire do dhaoine (seo riail nua)
- Déan do dhícheall in áit Bí ag obair...
- Léirigh meas ort féin agus ar dhaoine eile .. in áit Éist le daoine
- Bí Cineálta
- Bí ionraic
- Bí séimh
- Bí béasach
- Gaeilge le chéile (Bítear ag súil leis i nGaelscoil Bhrian Bóroimhe go labhraíonn gach páiste Gaeilge ar scoil, i gclós na scoile agus le linn imeachtaí scoile seachas i rith ceachtanna Béarla)

**comórtas le déanamh uair gach cúpla bliain chun na rialacha a mheabhrú agus a láidriú le páistí na scoile agus deis tugtha cur leo nó athruithe beaga a dhéanamh orthu.*

Chomh maith leis na rialacha órga thuasluaite, bímid ag súil leis na luachanna seo a bhaint amach:

- cúirtéis agus dea-bhéasaíocht
- cothroime
- a bheith ullamh bealaí urraime a úsáid chun deacrachtaí agus coimhlint a réiteach
- maithiúnas
- freastal ar scoil go rialta agus a bheith poncúil
- cloí leis na rialacha
- cabhrú le timpeallacht dhearfach shábháilte a chruthú
- meas a bheith acu ar dhaltaí eile agus a gcuid foghlama
- meas a bheith acu ar thimpeallacht, suíomh agus fearas scoile
- páirt iomlán a ghlacadh i ngníomhaíochtaí scoile

Níl an t-iompar seo a leanas inghlactha ar scoil ná le linn imeachtaí scoile:

- Bulaíocht agus bulaíocht ar líne
- Aisfhreagraí agus dánacht.
- Daoine eile a ardú den talamh/urlár nó a leagadh ar an talamh/urlár.
- Rudaí a chaitheamh ag daoine eile.
- Daoine eile a bhualadh.
- Súgradh garbh, iomrascáil.
- Caitheamh seile.
- Caint gháirsiúil.
- Ainmneacha a ghlaoch ar dhaoine eile.
- Lipéidí nó tagairtí maslacha a úsáid i leith daoine eile
- Cur isteach ar shealúchas dhaoine eile.
- Damáiste a dhéanamh do shealúchas na scoile tríd loitiméireacht nó damáiste déanta d'aon ghnó.
- Aon iompar eile nach dtacaíonn leis an bhfoghlaím sa rang.

(Spreagfar daltaí i gcónaí a insint don duine atá i gceannas orthu má chuirtear isteach orthu ag bealach ar bith thuasluaite.)

Cód Smachta:

- Cuirfear an cód i bhfeidhm ar son an dalta féin, ar son na bpáistí eile is ar son leas na scoile.
- Díreofar ar an iompar agus déanfar an páiste a dheighilt ón iompar céanna. Is leis/léi an t-iompar go fóill. Ní cheart lipéidí diúltacha a úsáid.
- Labhrófar leis an bpáiste/páistí chomh príobháideach agus is féidir chun náire a sheachaint.
- Tabharfar deis don pháiste cuntas a thabhairt ar chéard a tharla. Cabhraigh leo teacht ar thuiscint ar an ngortú a bhí mar thoradh ar a gcuid iompair agus dea-iompar a mholadh ina ionaid.
- Ó am go chéile, ar mhaithe le féin-mhachnamh a chothú, iarrfar ar pháiste cuntas a scríobh, ina bhfocail fhéin ar eachtra a tharla. Beidh an cuntas sin le síniú ag an múinteoir/príomhoide agus ag tuismitheoir/ caomhnóir.
- Is ceart cabhrú leis an bpáiste déileáil leis na mothúcháin ba chúis leis an drochiompar.
- Is ceart é/í a mholadh chomh luath is a thagann feabhas ar iompar an pháiste.
- **Uaireanta bíonn gá rialacha a chur in oiriúnt nó athbhreithniú a dhéanamh ar rialacha do pháistí le riachtanais speisialta faoi leith. Cuireann múinteoirí ranga, MOS, CRS agus tuismitheoirí plean le chéile chun an cur chuige is fearr a chur i bhfeidhm.

Cóimeádfar cuntas scríofa ar mhí-iompar leanúnach agus ar eachtraí mhí-iompar tromchúiseacha.

Ag déanamh taifead ar droch iompar / An Leabhar Iompair

Déanann gach múinteoir taifead ar mhion dhroch iompar rialta, mí-iompar tromchúiseach agus mí-iompar an-tromchúiseach. Má bhíonn taifead déanta ar dhroch-iompar pháiste faoi leith go rialta is fiú dea-iompar an pháiste sin a thaifead ina theannta sin.

Ag deireadh na bliana cuireann na múinteoirí an taifead d'iompair ar aghaidh go dtí an oifig má's i scríbhinn atá sé, nó bíonn sé ar fáil ar Aladdin faoi chód an pháiste.

***Athruithe de bharr Aladdin uaireanta in úsáid*

Dea-iompar a spreagadh

Déanann foireann na scoile tagairt rialta do dhea-iompar agus tugtar aitheantas agus moladh rialta don dea-iompar. Déantar aird a dhíriú ar na rialacha órga go rialta ag an Tionól agus bronntar duaiseanna rialta ar ranganna as dea-iompar a léiriú don mhí sin.

Ina theannta sin, úsáidtear córais éagsula i ngach rang chun dea-iompar a spreagadh agus a mhealladh ó na páistí ar nós – am órga, class dojo, bord na seachtaine, dalta an lae, dalta na seachtaine srl.

Córas Iompair sa Chlós

I gcásanna mí-iompar leanúnach, mí-iompar tromchúiseach agus mí iompar an-tromchúiseach, ní mór don mhúinteoir atá i mbun maoirseachta an cás a thuairsiú don mhúinteoir ranga freisin. Ní mór don mhúinteoir ranga taifead a dhéanamh ar an gcás sa leabhar iompair. (glas = le baint toisc bealaí éagsula le taifead, Aladdin srl.)

Bulaíocht

Tá polasaí ag an scoil maidir le bulaíocht idir daltaí agus maidir le ciapadh/gnéaschiapadh idir dhaoine fásta.

Mion Droch-iompar:

- I gcás mionsárú rialach, fágfar an cúram sin faoin múinteoir ranga.
- I gcás mhí-iompar leanúnach, cuirfear nóta abhaile(coinníonn an múinteoir cóip) ag cur síos ar an iompar. Éileofar freagra ar an nóta seo. Labhróidh an múinteoir le tuismitheoirí más gá.
- Má leanann an droch-iompar ar aghaidh déanfar plean ceartúcháin baile/scoile a phlé. Déanfar athbhreithniú rialta ar an bplean seo.

Mí-iompar tromchúiseach:

- Cuirfear nóta abhaile (coinníonn an múinteoir cóip), ag cur síos ar an droch-iompar. Éileofar freagra ó thuismitheoirí. Beidh orthu bualadh leis an múinteoir ranga nó leis an bpríomhoide mas gá. I gcásanna áirithe, seolfar an dalta go rang eile le cead an príomhoide, más iompar é nach ligeann don rang leanúint ar aghaidh ag foghlaim. Más iompar dáinséarach é, cuirfear an príomhoide ar an eolas faoi láithreach.
- Má leanann an droch-iompar ar aghaidh, cuirfear nóta eile abhaile ag iarraidh ar thuismitheoirí teacht chun na scoile chun bualadh leis an bpríomhoide. Déanfar plean scoile/baile a chur i bhfeidhm. Déanfar athbhreithnú rialta ar an bplean seo.
- Má bhíonn trí eachtra droch-iompar tromchúiseach le sonrú in aon téarma amháin, iarrfar ar na tuismitheoirí/caomhnóirí an cheist a phlé leis an bpríomhoide. I gcásanna dáiríre pléfidh an Príomhoide an cás le Cathaoirleach an Bhoird Bhainistíochta.
- Má fheiceann an Príomhoide go bhfuil gá le páiste a chur ar fionraí ón scoil, caithfear cead a fháil ón mBord Bainistíochta. Má thagann an cead sin:-

*Cuirfidh an Príomhoide an scéal in iúl do thuismitheoirí láithreach.

*Ag deireadh na tréimhse caithfidh tuismitheoir teacht ar scoil leis an bpáiste chun gealltanas a thabhairt go mbeidh caighdeán iompair i bhfad níos fearr le sonrú.

*Ní rachaidh an chéad tréimhse thar 1 lá, an dara ceann thar 2 lá srl., ach amháin sa chás go mbíonn gá le tréimhse níos faide. (Rialacha do Scoileanna Náisiúnta-R.130(5).)

Mí-iompar an-tromchúiseach:

- Sa chás go mbíonn mí-iompar pháiste fíor thromchúiseach, agus nach féidir leis an múinteoir ranga é a láimhseáil, d'fhéadfadh an Príomhoide dul i dteagmháil le tuismitheoirí chun an páiste a bhaint den scoil láithreach, agus cead an Bhoird a fháil an páiste a chur ar fionraí ón lá sin.
- Má tharlaíonn a leithéid, cuirfear fios ar na tuismitheoirí láithreach agus pléifear an scéal leis an bPríomhoide. I gcásanna de mhí-iompar an-tromchúiseach pléfidh an Príomhoide an cás le Cathaoirleach an Bhoird Bhainistíochta.
- Sa chás nach mbíonn múinteoirí ná tuismitheoirí/caomhnóirí in ann déileáil ar bhealach sásúil le hiompar go bhfuil pátrún diúltach le sonrú air, is cóir comhairle a lorg ó 'shaineolaithe'.
- Dá dtarlódh sé riamh go raibh ar an scoil páiste a dhíbirt, bheadh gá le cead an Phátrúin sa chás sin.

Tuairiscí Asláthaireachta

Asláithreachtaí

Caithfidh tuistí/caomhnóirí glaoch nó ríomhphost a sheoladh ar scoil chun a chur in iúl go mbeidh dalta as láthair.

Iarrtar ar gach scoil eolas a sheoladh isteach maidir le hasláithreachtaí daltaí ar leith, ar bhonn rialta i rith na scoilbhliana ar spriocdhátaí ainmnithe.

Tá sé de dhualgas orainn mar scoil tuairisc a chur ar fáil do Thusla i gcás ceann amháin nó níos mó de na critéir seo a leanas:

- nuair a dhíbrítear dalta ón scoil
- nuair a bhíonn dalta 6 lá ar fionraí ón soil, ar bhonn carnach
- nuair a bhíonn dalta 20 lá as láthair ón scoil, ar bhonn carnach
- má tá inní ar an bPríomhoide faoi thinreamh dalta
- nuair atáthar chun ainm dalta a bhaint de rolla na scoile, ar cibé cúis

Ainm teagmhála maidir le cúrsaí iompair: Pádraig Ó Conchubhair (Príomhoide)

Síniú Chathaoirleach an Bhoird Bhainistíochta:

Dáta:

24/10/2022

